

uctoritate tantum, sed et similitudine sacre Scripturae destitutum, præter benedictiones orationum. Illæ autem benedictiones non tantum sunt vanæ, sed etiam profanæ, et in gratiam Dei plane contumeliosæ. Sic enim inter cætera orat Episcopus super balsamum : Ut Deus huic unguento spiritualem gratiam largiendo, plenitudinem sanctificationis infundat, et ut fiat omnibus, qui ex eo ungendi sunt, in adoptionem filiorum per Spiritum sanctum ». Resp. : Judicium hoc Puritanæ plane concinit Mahumetanorum, et Paganorum sensu, qui omnia mysteria Christianæ exhibant, miseri ipsi et deplorandi sanctorum. At si voluit Amesius non tantum inanæ contumelias evomere, cur non solidam refutationem attulit ejus, quod Bellarm. hic Calvin. similliter antiquissimum ritum blasphemanti respondit, nempe : Quod si magica (histrionia ridicula) est hec cærementia, Christum magiae (histrionie ridiculae) doctorem faciemus; quod est impium, et blasphemum, etc. Sed huic hominum generi Puritanico, qui totum Christianismum a XV. seculorum moribus ad suam musteam novitatem redigere volunt, tantum non ipsi Apostoli, et Christus, superstitionis, histrionici, et ridiculi sunt, eo quod aliquid cærementis indulserint. Neque hæc omnia novantium impietas aliam meretur responsione, aut refutationem, quam execrationem.

*Gerhardus hic præter morem jejunus, et parcus est. Vix aliud producit, nisi prolixam recitationem verborum Bellarmini de hoc sacramento, quibus deinde subjicit solemnem suam nœnam : « Agnoscat Bellarm. huic sacramento jam olim a quibusdam*

(Waldensibus, Wiclefo, etc.), fuisse contradictum ». Quid hinc conficit puerilis disputator? An ergo « Bellarminus est testis Lutheranismi », quia testatur, aliquos errores Lutherum non copisse, sed instaurasse? Similia sunt, cum, v. gr., ait : « Fatur igitur Bellarmin. se destinari in hac quæstione manifestis Scripturae testimoniosis »: Quid hinc inferis, Gerharde? « Si forma, inquit, Confirmationis non potest probari ex scripto Dei verbo, Confirmation non potest esse proprie dictum sacramentum ». At rectius nos proprio te gladio jugulantes dicimus : Si tu non potes nobis legere ex manifesto Scripturae testimonio, quod forma sacramentorum debeat exprimi scripto verbo, legem nobis inique ponis, quam tu ipse sis vis, nec vales servare. Nec robustiora, aut majoris momenti sunt, que tribus seqq. thesibus proseguitur. Certe vix videri potest rem serio egisse.

Magis serio, et acriter Gerhardus Titius obstrepit in sua ostensione ; sed tamen levius momenti sunt, si comparentur ejus tela cum iis, que anno proximo M. DC. LIX. Joannes Dallaus Calvinista Parisiensis tribus libris contra hoc sacramentum disputavit. Verbozitatem hujus convicatoriarum, et mortadæm nec libert, nec licet hic pro brevitate instituti nostri excutere, cum maxima ex parte sua fundamenta deponat ex antiquis Ecclesiæ Scriptoribus, et SS. Patribus ; que cum fatente ipso Dallaø perquam obscura, et ambigua sint, prolixam potius et molestam altercationem instruere, quam brevem, et expeditam controversiarum disputationem adjuvare valent.

## VINDICÆ

### PRO LIBRO PRIMO

## DE SACRAMENTO EUCHARISTIÆ

### Ad CAPUT I.

Amesius nude sic quæstionem proponit : An post consecrationem realiter ac substantialiter sub specie panis, et vini continetur corpus, et sanguis Domini, in eodem spatio, quo panis et vinum ante continebantur? Pontifici affirmant, nos negamus. Dissimilat ergo omnia, et facendo approbat, quæ de heresi Sacramentaria recentiuit Bellarm. cap. 4. Operæ vero pretium est, nos hic non dissimulare, que circa Calvini sententiam adnotantur. Ea autem in primis consistit in his pronuntiatibus. 1. Symbola Cœna tantum esse in terra : Corpus autem Christi tantum esse in celo : proinde tanto intervallo Christi corpus a pane, et vino in Cœna, quanto abest terra ab altissimis celis. 2. Symbola, et corpus Christi, licet loco inter se plurimum distent, tamen conjuncta esse, non solum ratione signi, sed etiam quia cum signo Deo nobis vere exhibet ipsum verum Christi corpus, et sanguinem, quo animæ nostra alantur in vitam æternam. Quis vero hoc secundum pugnat cum primo, dicit 3. Non posse ingenio comprehendendi, sed sola fide, quomodo fiat ista coniunctio rerum tam distantium. Cum vero intellexerit Calvinus, hoc suum mysterium esse plane incredibile, et apertissimum repugnantiam involvere, ait 4. Non ipsum corpus Christi ad nos descendere, sed quamvis vim substantialiæ ex Christi carne ad nos derivari tamquam per canalem quemdam. Ubi videtur dicere, non substantialiæ, sed qualitatem quamdam nobis dari. Quia vero hinc videbatur imminere periculum, ne nimium tribuatur huic Sacramento, ait 5.

I. — Colligitur : Falso jactasse Calvinum, suam sententiam esse difficillimam, et incomprehensibilem humano ingenio, adeoque summum mysterium. Non certe majus mysterium est, quod symbola panis et vini revocent nobis in memoriam Christum pro nobis passum, et mortuum ; quam quod id faciat imago Crucifixi, præsertim juncta hac epigraphe : *Ecce agnus Dei, etc.*

II. — Meras ludificationes esse illa omnia magnifica encomia Eucharistie, cum scilicet dicit toties Calvinus ; « Nobis una cum symboli dari ipsum, verum, et reale Christi corpus, et eo nutriri animas nostras etc. » Nihil enim tandem nobis relinquit, nisi nullum symbolum rei habite.

III. — Ex hac Calvinii sententia sequi illud absurdum, ut porrigeret Coenam Domini sit testificari illum, cui porrigitur, jam ante sumpsisse Coenam, et Christi corpus comedisse : quod est et intolerabile, si respiciamus usum vocabulorum, et est sepiissime falsum ; cum plurimi porrigitur ista symbola, qui tamen non comederunt corpus Christi, iuxta regulas Calvini, cum sint impii. Quocirca falso testificantur Ministri, illos comedisse corpus Christi : et tamen ita nituntur sua illa testificatione, ut Calvinus dicat : *Ex hoc Sacramento secure sibi posse posse, regnum colorum non magis sibi excedere posse, quam ipsi Christo.* Hancen Bellarmius de Coena Calvini, qua si non sunt vera, eur Amesius ea non enervavit : *Cor ad illa magis mutus est quam pisces ? cum in seq. mox sit tam verbosus. Si autem vera sunt, manifestum est cuius veritas et salutis sue cupido, jam in ipso limine, ante conflictum, debellatam esse haeresim Sacramentariam.*

#### Ad CAPUT II.

Veritas Catholica in concil. Trid. sess. 13, aduersus haereses ita exprimitur : *In almo S. Eucharistia sacramentum, post panis, et vini consecrationem, Dominum nostrum Iesum Christum, verum Deum, atque hominem, vere, realiter, ac substantialiter sub specie illarum rerum sensibilium contineri profitemur.* Ubi 1. contra Ubiquistas docetur post consecrationem adesse corpus Christi ; quod ipsi dicunt etiam ante adesse. *Contra Calvinistas vero, qui dicunt, Eucharistiam esse signum conjunctionis cum Christo jam antea factæ per fidem.* 2. Contra Ubiquistas docetur : *Non vi ubiquitatis, sed consecrationis, esse præsens corpus Christi ;* multo minus ex promissione Evangelii in concione explicata, ut volunt Calvinistæ. 3. Docet, totum Christum esse sub hoc Sacramento, per naturam concomitantiam sub utravis specie, contra Lutherum. 4. Dicitur : *Christum in Eucharistia esse vere, contra omnes Sacramentarios, et Tropistas, qui volunt Christum adesse ut in signo, et figura : hæc enim veritati opponitur.* 5. *Realiter, quod opponitur figura Calvini, qui vult adesse, ut fide apprehenditur.* 6. *Substantialiter, tum contra Calvinistas, qui dicunt, corpus Christi quoad substantiam esse tantum in cœlo, sed vim nescio quam*

inde ad nos manare ; huic vero virtuti opponitur ly *substantialiter* ; tum ut explicetur modus existendi Christi in Sacramento ; nam corpus Christi in celo habet modum existendi naturalem : in Sacramento non naturalem, sed sacramentalem. Hic vero modus optime explicatur per ly *substantialiter*. Id enim significat, totum Christum in Sacramento existere ad modum substantiae, non quantitatis, vel qualitatibus, quia substantia panis convertitur in substantiam corporis Christi ; cetera autem substantiam concordantur. 7. Docet, corpus Domini sub illis speciebus sensibilibus contineri. Unde non est in Eucharistia Christus, ut in loco, vel ut in vase etc. Sed est ad eum modum, quo erat substantia panis sub suis accidentibus, eo excepto, quod accidentia inhæbant substantia panis, Christi autem substantia non inherent, unde ex natura rei tamdiu perseverat corpus Christi in Eucharistia, quandom naturaliter mansisset substantia panis sub iisdem accidentibus. Hinc inferuntur hæc regulæ de modo loquendi in hac materia.

I. — Nomina substantia que dicuntur de Christo, sive ejus corpore extra Sacramentum, dicuntur etiam de ipso, ut est in Sacramento.

II. — Nomina adjectiva, que dicunt ordinem ad corpora circumstantia, non dicuntur de Christi Corpore, ut est in Eucharistia ; licet dicuntur de eo, ut est in cœlo ; alia vero dicuntur.

III. — Adverbia, que dicunt modum existendi corporalem, non dicuntur de Christo in Eucharistia, licet dicantur de ipso, ut in cœlo residet : alia vero nihil prohibet item.

IV. — Verba que significant præsentiam corporis Domini in Eucharistia, abstrahendo a modo existendi cum ordine ad alia simpliciter affirmari possunt ; reliqua non item.

V. — Quamvis corpus Christi in Eucharistia per se non tangatur, nec videatur, nec moveatur : tamen ratione specierum, seu accidentium, quibus conjunctum est, potest dici videri, tangi, moveri, etc.

VI. — Verba que significant motum localem, vere et proprie dicuntur de corpore Christi in Eucharistia existente, ratione specierum : licet per accidens, non per se : cetera autem que significant alias mutationes, vel actiones, dicuntur quidem de cor-

pore Christi ratione specierum ; sed impropter, et figurate. Et hactenus omnia Bellarmiana silentio suo approbat Amesius : qui enim facit, consentire videtur, præser-tim in controversia capitali.

#### Ad CAPUT III.

Bellar. : Figurae necessario inferiores esse debent rebus figuratis. Figurae autem sacramentum Eucharistie, agnus paschalis, sanguis foderis, et manna, vel sunt excellentiores, vel non inferiores simplici, et naturali pane significante corpus Christi : Igitur Eucharistia non est simplex, et naturalis panis, significans corpus Christi, sed ipsum corpus Christi. Amesius 1. : *Totum hoc argumentum petitur a non ente. Sacramenta enim Nov. Test. non habuerunt figuræ nullas, a quibus prafigurarentur, ut sacramenta. Sunt quidem respectu veterum sacramentorum àvitæ, vel similes typi, sed non àguntur, vel exemplaria in illis expressa.* » Resp. : *Hoc est frontem perficter, et negare rem manifestam. Cur non respondit ad testimonium Apostoli Coloss. II. et Heb. X. ubi comparantur figurae Vet. Test. umbris, impletiones corpori ? Quid clarus verbis S. Hieronymi in cap. I. ad Tit. : « Tantum interest inter panes propositi, et corpus Christi, quantum inter umbras, et corpora ? Agnum paschalem figuram fuisse Eucharistie docent Tertullianus, Hieronymus, Chrysostomus, Cyprianus, Augustinus, Leo M., Gregorius M. Et ex ipso Evangelio Matthæi xxvi. Luc. xxii. manifesta colliguntur. Denique cum Agni paschalibus ceremonia non tam in immolatione, quam in manducatione posita fuerit, respondeat ei in Nov. Test. Agnus ille, qui tollit peccata mundi, quatenus manducatur ; quod certe non aliter fieri solet, quam in Eucharistia. Jam vero Agnum paschalem Judeorum, rem fuisse præstantiorem Eucharistiam nostra, si in ea non vere corpus Christi continetur, perspicuum est. Sive enim consideretur agnus, et panis, ut res naturales, sive ut symbola significantia, sine dubio utrobius que excellit agnus : quis enim dubitet carne agni melius significari carnem Christi, quam panem ? Unde evanescit 4. evasio Amesii qua ait : « Inexpissime facit Bellarmius, quod argumentum institutum de sacramentorum natura (sicut ipse fatetur cap. 4). ex compara-tione rerum inter se, omissa significatione ;*

cum definitio sacramenti a conc. Trid. tradita, naturam ejus collocet in significando, et efficiendo ». Resp. : ex dictis patet, quod Agnus paschalis excellat, et quoad rem, et quoad significationem : Ergo vana haec evasio.

Similiter Exod. xxiv. et Hebr. IX. describitur Testamentum vetus, ubi legimus, Moyses nomine Dei mandata legis proponuisse : dein aspersisse sanguinem in populum, ac dixisse : *Hic est sanguis, quem misit ad vos Deus.* Hæc autem figura impleta est in institutione hujus Sacramenti, ut patet ex Luc. xxii. ubi disertis verbis Christus ait : *Hic calix novum Testamentum est in sanguine meo* ; adeoque novum Testamentum institutum est in Cena. Idem reliquit ex eo, quod Christus de industria, iisdem fere verbis, quibus Moyses, uti voluerit. Denique requisita ad Testamentum adfuerit in ultima Cena, non autem in passione : Itaque cum sanguis ille Testamenti veteris figura fuerit sanguinis Eucharistici, patet, meliorem fuisse figuram re ipsa figurata, si ibi verus sanguis hic tantum sit vinum. Amesius nimia perspicuitate, et efficacia veritatis constrictus, ad fraudes, et convicia veritutis, cum ait : « Cum Bellarmius non tantum Agnum paschalem, sed et sanguinem foderis, coquus mentio fit Hebr. IX. vers. 20. figuram facit Eucharistie, et non passionis Christi, blasphemia haec est manifesta, et non rationibus, sed lapidibus potius refutanda. » Resp. : Bellarm. haud negat, sanguinem foderis fuisse etiam figuram passionis Christi ; sed tantum ait, multo magis, et clarius representasse sanguinem calicis Eucharistici, cum quo institutum est a Christo Novum Testamentum in ultima Cena. Et hoc usque adeo verum est, ut etiam Lutherani Glossatores Bibliorum Jenensiun in cap. xxvi. Matth. vers. 20. id disertis verbis fateantur. Vere « rationibus » non potuit « refutare » Bellarmium Amesius, sed « lapidibus » Sacramentarii billem suam exeruit.

Tercio denique Manna fuisse figuram S. Eucharistie, patet ex verbis Domini Joan. vi. *Patres vestri manducaverunt Manna in deserto, et mortui sunt : qui manducaverunt hunc panem, vixerunt in eternum.* Idem constat ex I Cor. x. ubi manu rubrum Baptismo, et Manna comparatur Eucharistia. Et revera etsi nec SS. Scriptura, nec Patres id dice-rent, tanta est inter uitrumque similitudo,

ut res ipsa clamet, illud hujus fuisse typum. Jam vero quod Manna non tantum in entitate sua, sed etiam in significacione fuerit multo præstantius pane Eucharistico, si hic vere non contineat corpus Christi, quis dubitet? Nam Manna erat e coelo, habuit omnem saporem, et æqua mensura sumebatur ab omnibus, licet diversa esse videretur etc., qua certe multo melius significant panem cœli verum, scilicet Christi corpus, quam panis noster usualis. Firmum igitur et inconcussum manet primum hoc ex figuris petitum argumentum. Nec quidquam efficit instanti Amesii de Baptismo, cum ait: « Figura Baptismi juxta Bellarm. inferiores debuerunt esse rebus figuratis: erant tamen excellentiores, vel non inferiores simpliciter, et naturali aqua, remissionem peccatorum significante ». Resp.: Nulla ex illis figuris Baptismi, quas Bellarm. cap. 13. recitat, præstantior fuit Baptismo nostro in ratione significandi; quia nulla habebat adjunctam significacionem tam claram, quam forma Baptismi juncta ablutioni, ut per se patet.

## Ad CAPUT V.

Demonstrat hic Bellarminus contra Lutherano-Calvinianos, itemque e Catholicis Gabriele, Cusanum, Cajetanum, Ruardum, Hesselium, Jansenium, in cap. vi. Joannis loqui Christum de Eucharistie sacramento, argumentum quatuor Amesius mox ut scutum objicit verba Gabrielis, et Cajetani, que tamen quoad rem ipsam saniora hic non sunt, quam Heterodoxorum, sed sola meliori intentione utriusque salvantur. Permitit tamen ipse, « ut plerique eorum, que ibi dicuntur, recte possint ad Sacramentum accommodari, ita ut nihil inde accrescat Pontificiorum sonnio de presentia carnali ». Verum hoc non concinit doctrinæ Lutherano-Calvinianæ, qua tomo I. omnem sensum accommodatitudinem, aliasque, præter unicum literalem in singulis Scriptura dictis, tamquam æquivocationes reos explorat. Conatur interim more suo eludere argumenta Catholicorum; quam feliciter videamus.

1. Argumentum: Dominus loquitur de futuro cum ait: *Panis quem ego dabo, caro mea est*. At si panis eo loco significaret Christum, ut fide percipitur, sine ulla relatione ad species Sacramentales, non diceret in futuro: manducatio enim illa per fidem est

omnium temporum: nam etiam Patres Vet. Test. ita Christum manducarunt. Amesius: « Loquitur etiam in futuro de Spiritu, qui fuit omnium temporum. Joan. iv. vers. 14. » Sed non loquitur per omnia simpliciter de Spiritu dando, sicut de carne sua. De hac dixit: *Caro mea vere est cibus*, non vero sic: *Spiritus quem ego dabo vere est potus*. Elsi igitur Spiritus, quem Christus daturum se dixit, fuerit omnium temporum, non potest ly *dabo* alter intelligi, quam quod ille ex meritis sue passionis profusurus esset aquam vivam Spiritus sancti, que apud omnes omnium temporum Sanctos saliat in vitam aeternam. Cajetanicam glossam non pluris hic facimus, quam Amesianum.

2. Tanta est similitudo horum verborum cum verbis Cœnæ, ut plane clamare video ut divina Scriptura, ibi reddi, quod hic fuerat promissum. Amesius: « Concedimus, in Sacramento rite percepto reddi suo modo illud quod fuit promissum, sed non in solo Sacramento ». Quid enim vero hoc sibi vult? Concinitre Bellarmino, an occidit?

3. Colligitur ex litigatione Judeorum, et ex offendiculo discipulorum, aliquid novum, et mirandum proponi a Christo: eorum autem sententiam non correxit Christus, sed iterum inculcavit: *Nisi manducaveritis carnem etc.* Quis credit, rem facilimam, qualis est, credere in Christum, voluisse Dominum cum tanto offendiculo discipulorum involvere tot obscurissimæ metaphoris, cum posset uno verbo rem totam declarare? Trina evasio Amesii nec hilum valet, nec meretur recitari, tam frivola est. Vanitas illius « novi mirandi » tropi Calvinisticæ, jam (silentio suo annuentem Amesio) supra explosa est.

4. Distinctio tam frequens carnis, et sanguinis, cibi ac potus, aperte indicat, Christum loqui de communicatione sui sub speciebus panis, et vini; aliquo enim quorsum ista distinctio, toties præserit repetita? Amesius iterum configuit ad excentricationes Cajetani, que satis insulse, et frivole sunt. Cui enim Catholicus persuaserit bonus ille, hac distinctione inter cibum, et potum, usum esse Christum, « ad manifestandum tam, quod mors sua est alimentum perfectum ex eibo et potu? » Addit de suo Amesius: « Si sanguinis potus in hac distinctione seorsim præcepitur a Christo, tum Antiechistus est, qui illum populo admittit ». Subsumimus nos Catholicos: At non præcepit Christus.

suis in hac distinctione seorsim sanguinis potum: nam non semper conjunxit potum manducationem, sed etiam manducationi solitarie vitam aeternam promisit: Ergo Amesius est calumniatus.

5. Expressio illa (*Caro mea vere est cibus, et sanguis meus vere est potus*) significat diversum modum sumendi carni, et sanguinem Christi. Iterum configuit Puritanus ad miseram Cajetani glossam, quod scilicet « significare Christus voluerit, quod caro sua, et sanguis suus naturalis, id est, mors sua, non falsa, non opinione, sed secundum veritatem habeant rationem cibi, et potus animae ». Haec glossa cuivis intelligenti mox apparuit valde violenta, et textus depravativa, ac sensu unanimi Patrum adversa, adeoque cuivis Catholicæ explodenda. De illo singularitate, et novitatis pruritu, quo posuit maculam in gloria sua ingenuos ille Cardinals, jam satis alibi.

6. Comparatio non fit inter Manna, et corporis Christi, ut sumitur sola fide, sed ut sumitur in Sacramento, ut patet ex I Cor. x. ubi comparatur transitus maris rubri cum Baptismo, et Manna cum Eucharistia, corpus quoque Christi, ut sumitur sola fide, non deficit veteribus; ideo illud in Manna ita semebant opinione adversariorum, ut non sumimus in Eucharistia. Amesius: « Qualitas comparationis non convenit Sacramentali manducationi per se, sed soli spirituali ». Resp.: Hoc est petere principium, et non respondere ad argumenta Bellarmino, que Amesius, de more, omittendo enervavit.

7. Ex verbis manducandi carnem, et bibendi sanguinem, tam sepe repetitis, et cum juramento, *amen, amen*, confirmatis, debet haec proprie, et non figurate accipi; tum quia semper propria significatio sequenda est, nisi evidenter probetur contrarium: tum quia valde absurdum esset, Dominum sepius ita vehementer confirmasse, oportere manducare ipsius carnem, si hoc non nisi figurate faciendum esset. Amesius negat *amen* significare juramentum, Esto, in rigore non sit; constat tamen idem esse quod confirmatio, asseveratio valde seria, quam non convenit adhibere in re obscure, et incerta: Quod Dominus Joan. x. vers. 1. eamdem voculam adhiberit cum vocabulis metaphoricis ostii, pastoris, ovulis, non juvat hic Sacramentarios. Res enim spirituales non possunt nisi per symbola rerum corporalium exponi; at caro, et san-

guis Christi, tum ut sunt in se, tum quatenus sub speciebus Sacramentalibus continentur, sunt sensibles: manducatio, et bibitio sensibilis est verissime; cur ergo non in proprio sensu istas omnes voces acciperemus?

8. Joannis iii. agitur de Baptismo: Ergo Joan. vi. agitur de Eucharistia. Amesius: « Neque antecedens potest probari, et illo probato consequentia nihil valeat ». Resp.: Antecedens tam efficaciter probavit supra Bellarminus, ut Amesius lib. i. cap. 3. th. 4. Calvinum suum impudenter id negantem, contra Bellarmini argumenta non sit ausus tueri. Illatio non est apodictica, fateor, que cerebrum Puritanum convincat, sed similitudo; illa in utroque modo procedendi probabilitatem suadet.

Secundum, et tertium argumentum Bellarmini desumitur ex auctoritate Ecclesiae, et SS. Patrum, quorum est tam unanimis in hoc sententia, ut adversarii nec unicum producere valeant, qui sue faveat perversio: idemque est de Scholasticis plerisque omnibus. Optime Maldonatus in cap. vi. Joan. v. 33. paucos illos supra nominatos Catholicos perstrinxit, quod « contra Scripturam sensum, contra Patrum omnium interpretationem, contra tacitum, immo minime tacitum, sed satis superque explicatum consensus Ecclesiae dixerint, atque contendant, hoc loco de Sacramento non agi. Quod, ut benignissime dicam, est temerarium etc. Modestus non est ingenii, et ecclesiasticis moribus, piætateque instituti, omnium veterum Patrum consensum contemptum fastidiose repudiare; non solum non frangit, sed ne commoveri quidem eorum auctoritate. Nemini enim fere auctori bono malove ante Lutherum venit in mentem, ut dicere, hoc loco de Eucharistia non agi ». Amesius ad calumnias se confert, dum ait: « Patres plus nimis suis mysticis sensibus, allegoriis, et accommodationibus multo magis coactis indulssisse, nemo quisquam ignorat, qui ipsos a limine salutavit ». Quis non miretur hujus Puritani perversitatem? Cajetanum, unum, novitatis et singularitatis studiosum, eoque periculosum Nov. Test. interpretem, tam fide halucinantem, passim suis erroribus obdedit patronum; Econtra SS. Patres ad unum omnes, frequentissime in sensu littorali, Joannem de Sacramentali manducatione interpretantes susque deque habet. Quamquam mox quasi dicti punitens videri

vult, se suosque non dissentire ab omnibus patribus in hoc, quod locus iste Joannis, nullo modo de Sacramentali manducatione loquatur; nam, inquit, « Spiritualis manducatio est res, et anima illius quæ dicitur Sacramentalis. Ita versat se in omnem partem Amesius a veritate constrictus. At quo ego: Vel fateris, loqui hic Christum, tam de Sacramentali, quam de spirituali manducatione, vel negas? Si fateris agi de utraque, sentis idem quod nos (qui utique spiritualem cum Sacramentali vel maxime conjungimus); Quomodo ergo tam incepis cavillationibus haec tenetis? Si negas agi de utraque simul sumpta, manifeste tibi ipsi contradicis; et hoc ultimo tuo dicto praecludit tuam effugia, que adhibes argumentum ex ratione petitio, et est tale: Si Christus Joan. vi. non loquitur de Eucharistia, sequitur 1. Joannem nihil plane scripsisse de hoc Sacramento, quod est valde absurdum. 2. Christum nunquam, explicuisse fructum, et excellentiam hujus Sacramenti. 3. Neque ullum existare præceptum divinum de hoc Sacramento perciendo. His, inquam, quod legitime opponat, non habuit Amesius, qui aperie professus est, aliquo modo agi de Sacramentali manducatione, cujus anima sit manducatio spiritualis.

## Ad CAPUT VII.

Objiciunt 1. « Agitur hic de illa manducatione, que dat vitam: Sed hoc est proprium spiritualis manducationis. Ergo. » Resp.: Minor est falsa: nam manducatio tam in re, quam in voto, vere non est manducatio spiritualis, adeoque non dat vitam. Ex spirituali et Sacramentali (saltē in voto) conflatur vera manducatio: sicut homo conflatur ex anima, et corpore. Sacramentalis, qua dat vitam, non suscipitur nisi a rite dispositis.

Obj. 2. « Agitur de illa manducatione, sine qua vita non habetur. Sed sine Sacramento vita haberet potest: Ergo. » Resp.: Numquid intelligunt adversarii de manducatione spirituali per fidem? At difficilus haec reperitur (imo plani fieri nequit) in infantibus, quam manducatio spiritualis; et in hac semper includitur votum, ut dixi. Hoc porro votum subinde explicite est de manducatione Sacramentali, subinde tantum implicite et confusæ, nempe in desiderio effaci implendi omnia præcepta; unde eva-

nescit cavillus Amesius de iis, « qui in Christum credunt, et needum de Eucharistia sunt satis instituti ». Quid vero sibi vult, cum ait: « Quamvis actus aliquis qui spatio ad manducationem, sit proprius adulorum, substantia tamen ipsa est simpliciter necessaria omnibus infantibus ad salutem, ut scilicet Christus sit in illis, et illi in Christo »? Quid, quæso, est hic « substantia »? Numquid gratia sanctificans unius Christo? At hæc neque est manducatio spiritualis, neque Sacramentalis; sed est effectus Baptismi in infantibus; de quibus S. Augustinus ait: « quod in ipso Baptismo communiquerent corpori Christi », qui nempne uniuersi ei per gratiam in Baptismo acceptam: in adultis vero est effectus tam Baptismi quam aliorum sacramentorum, ut et operum ex charitate prodeundum. Nihil ergo hic presidit est Sacramentarii, ubi neutra manducatio.

Objie. 3. « Agitur hic de illo tantum cibo, qui sumitur fide, vers. 39. 33. 40. 47. Resp.: Neg. assumpt. Facit enim Christus in hoc cap. mentionem triplicis panis. 1. Narratur de pane materiali, quem Dominus noster multiplicaverit, et qui dedit occasione sequentis disputationis. 2. Quia Judei hunc solum quærerant, monuit Christus, ut alium panem pararent, quem siebat esse seipsum, qui de coko descendit per Incarnationem: et hunc fide apprehendi debere. 3. Inde transit ad panem Eucharisticum, cum ait: Panem, quem ego dabo, caro mea est. Hunc transitum a Christi incarnato ad Eucharistiam, ait Amesius, esse commentum nimis ridiculum ». Ecce vero? Probat id tripliciter: 1. Ait: « Quia illa verba cum sequentibus sunt pars responsionis ad objectionem Judeorum. Si autem alias panis in responsive intelligitur, præter illum, qui est in questione, tum responsio non esset ad ipsam quæstionem ». Resp.: Hoc non sequitur. Nam Judei nihil distinet de ullo pane, multo minus de spirituali, et Sacramentali quærerant: Christus autem ex eorum qualicumque rudi, et crassa objectione, et questione occasionem sumpsit, mysterium tam Eucharistiae, quam Incarnationis expoundi. Ait 2. « Conclusio sermonis vers. 38. Hic est panis ille, qui de coko descendit, etc., aperie clamat, omnia quæ dicta fuerant in responsive, ad eundem panem spectare, de quo quærerant vers. 41. Quæstio enim, conclusio, et præmissæ, circa unum, et idem subjectum debent versari ». Resp.: Spectant

omnia quidem ad eundem panem, Christum scilicet, quoad substantiam, non tamen quoad modum. Cogitur hoc fateri, si sibi constare velit Amesius, cum expresse in fine thes. 12. dixerit: « Se non docere, Christum nullo modo de Sacramentali manducatione ibi locutum ». Est ergo idem panis realiter, et substantialiter Christus Dominus, sive in propria figura humana, sive sub speciebus Sacramentalibus. Unde etiam diffidatur instantia Amesiana de contradictione in eadem disputatione. Idem sane ipse admittere tenetur, si non mentitus est in th. 12. Neque vero hic illa virtuosa aquivocatio est, ut nomine panis de coko designetur tam Christus in propria, quam sub altera specie existens. Utroque enim modo est panis de coko versus vitam dans mundo.

Objie. 4. « Si ad litteram intelligenda sit Eucharistia in isto cap. tum numquam defendi potest eorum sacrilegium, qui Sacramenti partem alteram, id est, sanguinem populo ademerunt, sine cuius bibitione vitam haberi posse negatur vers. 35. » Resp.: Si ad litteram intelligantur omnia dicta eius capituli 6. que de manducatione carnis Christi agunt, manifestum est, sufficere etiam modum manducandi sub specie tantum, que sola exprimitur iterato in vers. 52 et vers. 39. Quia manducat hunc panem, vivet in æternum. Unde recte dixit Bellar., vim precepti non consistere in modo sumendi, sed in ipsa re, que sumenda est: Et hanc mente esse legislatoris liquet: tum quia fructus perceptionis oritur ex ipsis rebus percepitis, non ex modo sumendi; (sicut et medicina corporalis non prodest, quia sumitur per modum cibi vel potus, sed quia ipsa vim habet sanandi); tum, quia idem Christus explicans quod dixerat, ait ibidem: Quia manducat me, et ipse vivet propter me. Sed de hoc re fusus infra. Hoc solum ad: Falso dixisse Amesium: « Apostolus I Cor. xi. disertis verbis collocat vim precepti in modo sumendi ». Contrarium potius esse verum patet ex vers. 24. ubi absolutè ait de corpore: Hoc facite in mean commemorationem: versus autem seq. de calice non nisi restricte, aut hypotheticæ ait: Hoc facite, quotiescumque bibetis, in mean commemorationem.

## Ad CAPUT IX.

Verba institutionis: *Hoc est corpus meum*, proprie, non figurate esse explicanda, probatur.

I. — A materia: Sacramentum, testamentum, pactum, seu fodus, lex, seu præceptum, et dogma, requiriunt propriam, non figuratam locutionem: Sed in istis verbis agitur de Sacramento, testamento, pacto, præcepto, et de uno ex præcipuis Religionis dogmatibus: Ergo propria sunt, et non figurata. Amesius: « Propositio est omni ex parte manifeste falsa. 1. Sacraenta circumcisio, Gen. xii. et Paschalis, Exod. xii. figuratis phrasibus instituuntur; cetera ubique consimiliter declarantur. I Corinth. x. Baptismi dicimus corpus peccati exire, Christo una crucifixi, mori, et sepeliri, Christum induere, et Christi sanguine aspergi. In ipso hoc Sacramento corpus Christi a Paulo dicitur frangi: et poculum Testamentum vocatur: quæ omnia ab omnibus figurare, sine controversia intelliguntur. 2. Nulla formula Testamenti vel divini, vel humani per totam Scripturam proferri potest, que non aliquo tropo illustratur. 3. Foderis illius novi formula illa Hebr. viii. vers. 10. Legem mean inscribam cordi eorum, absque tropo non potest exponi. 4. Præcepta ipse Decalogi maxima ex parte, non possunt recte intelligi, nisi synecdoche in iis admittatur. 5. Figurati dogmatis exemplum sit illud, Joan. ii. v. 19. Destruite templum hoc, et intra triduum excitato illud. » Resp.: Bellarmini argumentum procedit non de quibuslibet tropis, sed de metaphora, et metonymia, quibus rei veritas afferatur. 2. Etsi in uno loco nonnulla figurata aliebū proponentur; alibi tamen eadem proprie proponentur, ut sunt pleraque exempla ab Amesio hic annotata. Nonnulla specialiter recurrent infra. Itaque manet omnino vera illa propositio Bellarmini in genuino sensu accepta; nec nullum exemplum in oppositum attulit Amesius, quod ad rem faciat.

II. — A personis: Dominus loquebatur cum solis Apostolis, idque eo loco, et tempore, quo minime oportebat obscuræ loqui. Amesius: « Consequentia illa nulla est: Non loquitur obscure: Ergo non figurate, aut tropice. Tropi sepiissime illustrant, non obscurant sermonem. Apostolis veterum mystic-

riorum ritus, et Christi sermones consimiles intelligentibus, Sacramentalis phrasis non fuit obscura ». Resp. : In his circumstantiis est ea consequentia optima; alioquin enim possemus hoc modo eludere omnes articulos fidei, qui rationi naturali difficiles, ac impossibilis videntur: ut de Trinitate, Incarnatione, peccato originali etc. Omnia per hanc Sacramentaliam Tropistarum haeresim figuratis locutionibus poterunt perinde a medio tolli. Nonnumquam aliquos tropos illustrare sermonem quis negat? an hinc sequitur: Ergo omnes? ergo ille a Sacramentariis hic pretensus? ergo et hic: *Ego et Pater unum sumus*, similitudine affectus, non unitate natura? Qui fit, si (ut perficie fronde fingit Amesius) Apostoli, sacramentales illas phrases Calvinistice, vel Zwingilice intellexerunt, quod nemo unus ex SS. Patribus id adverterit; Imo plerique expresse monuerint, non esse accipendum tropice, sed proprie, adeoque hic opus esse fide, ut credatur res, que absurdissima sensibus esse videtur? Certe si tropoe ea verba: *Hoc est corpus meum*, et Calvinistice intelligenda essent, nec umbra quidem difficultas superesset. Que enim difficultas credere, quod panis significet corpus Christi. (De SS. Patribus plane obmutuit Amesius.)

III. — Communia est regula explicandæ Scripturæ, numquam dimittendum esse proprium verborum sensum, nisi cogamur ad aliqua alia Scriptura, vel aliquo articulo fidei; aut certe a communi totius Ecclesiæ explicatione. Amesius: « Respondemus, cogi nos hoc in loco proprium sensum dimittere, et admittere tropum 1. illis omnibus Scripturæ locis, quibus tale flagitium velatur, quale est, hominem, cumque vivum devorare. 2. Omnibus illis articulis fidei, qui verum humanitatem Christi manere docent. 3. Communi iudicio totius Ecclesiae Apostolicæ ad annos a Christo sexcentos, et amplius. » Mendacissima impietas hujus Sacramentariæ excusationis palam infra patebit.

#### Ad CAPUT X.

Catholica veritas magis robورatur: Dominus non consueverat gratias agere, nisi aliquid magnum, et mirabile facturus esset, neque beneficere consuevit res insensibiles, nisi cum in iis aliquid mirabile operatus esset: Sed hoc tempore dicitur Christus gratias egisse Deo, et panem benedixisse:

Ergo. Amesius 1: « Concedimus conclusio-nem, Christum scilicet aliquid magnum et mirabile tum temporis operatum fuisse circa panem, et vinum, cum institutione sua effec-tit, ut essent efficacia organa gratiae. » Resp. : Miranda est hujus Puritanæ perversitas. Supra omnes nervos intendit, ut elderet illam efficaciam organorum gratiae, quam Catholici in sacramenta veneramus: hic tamen pressus veritate perspicua actionis Christi theandrica, ut reali presariantur eludat, configit ad ipsam illam efficaciam gratiae, per panis symbola praestandam. Amesius 2: « Falsissima est propositio. Quanvis enim in Scripturis non explicatur, quoties Christus gratias egit, et benedixit res insensibiles; satis tamen constat eum imploisse omnem justitiam, cuius haec officia sunt partes non minime. Dicitur etiam gratias egisse Matth. xl. v. 23. sine ullo miraculo effecto: sicut et res insensibiles benedixisse Luc. xxiv. v. 30. » Resp. : Pergit frontem perficare Sacramentarii iste. Nullam instantiam ex Scripturis ostendere potest, et vult tamen nos credere id factum quod factum non legitur, contra-propriam, toties ad nauseam nobis occidentam nomen: « Non est scriptum! » Si ex illa impletione omnis justitia inferatur quodvis opus bonum externum, quam patens ostium habebimus, quidvis Christo tribuendi, peractum interius, et exterius; qui nobis videtur ad omnem justitiam, etiam hoc, et illud pertinere. Matth. xi. vers. 23. non egisse gratias legitur, sed: *Confiteor tibi (inquit) Pater, quia etc.* Vel, ut Lutherana Biblia Jenensis habent: *Glorifico te, Pater etc.* Luc. xxiv. v. 30. gratias egit, et benedixit panem, sicut in ultima cena, cum eodem effectu, quem utrobique agnoscimus nos Catholici mirabilem, Sacramentarii despunt.

#### §. UNICO.

Expenduntur singula verba institutionis.

#### HOC.

Pronomen *Hoc* non demonstrat panem; non enim potest adjective concordare cum pane, ut suo substantivo: nam panis est generis masculini. Neque substantive dici potest *Hoc*, de re que cernitur, et aperte cognoscitur, nisi sit generis neutrius; Sed panis est generis masculini, tam græce, quam latine. Nemo enim demonstrato fratre suo dicere:

Hoc est frater meus. Vel, demonstrata im-age Cesaris, diceret: Hoc est Caesar: Ergo nec de pane, quem discipuli videbant, dici recte potuit; *Hoc est corpus meum.* Ita Bellar. contra quartam expositionem hujus particulae *Hoc*, que nimis sumitur pro pane. Amesius 1: « Quanvis adjective non con-cordat cum pane, ut antecedente, potest ta-men cum consequente corpore bene concor-dare, ut si quis mortem demonstrans dicat: Hoc est stipendum peccati. Quam convenientiam verborum Christi defendit Vasquez. 3. part. disp. 201, tamquam verissimam, et Pontificiorum causa maxime conducibilem ». Resp. : Hoc nihil conducere Sacramentarii, patchebit paulo post, ubi in concordiam aliquatenus redigentur opiniones Scholasticorum. Amesius 2.: Nihil magis tritum est in omnibus linguis, quam de re masculini, aut feminini generis, pronomini absolute uti generis neutrius, ut Zach. i. v. 9. de fiden-ti equis enuntiat authentica Pontificiorum ver-sio: Quid sunt isti? aut, quid sunt haec? » Resp. : At non potuit Amesius vel unicum exemplum afferre, ubi pronomini demon-strativum *Hoc*, cum re, quia cernitur, et aperte cognoscitur, concordet. Vana est evasio, qua fatetur « de personis non ita frequenter uti rebus inanimatis usurpari eam particulam ». Cur non vel unicum exemplum de inanimatis produxit e sacro Codice?

Bellar. 3. : Argumentum hoc est robustissimum ex Scriptura. Nam si, *Hoc*, de-monstraret panem; etiam in consecratione vini, *Hic* (sive τοῦ) demonstraret vinum; quod quidem Sacramentarii concedunt, sed aperte contra stat Luc. xxii. vers. 20. ubi sic ait: τοῦτο τὸ πεπίστων ἡ κανὴ οἰεῖθαι εἰ τὸ ξύρι μοι, τὸ δηλὶτ ὑμῶν ἐκχυρώμενον. Id est: *Hic calix novum Testamentum est in sanguine meo, qui pro vobis effunditur.* Ubi dicit Lucas, calicem effundi pro nobis; non autem vas, aut vinum effusum est pro nobis, sed verus sanguis: Calix igitur non significat calicem vini, sed calicem sanguinis. Ad hoc argu-mentum non potuit Beza respondere, nisi negando textum Evangelii esse integrum. Nam cum in hunc locum scribit, fateatur ita legi in omnibus libris etiam vetustissimis; tamen quia destruit hic locus ejus senti-tiam, audet dicere: locum esse corruptum in omnibus codicibus, aut ex margine irre-pissime in textum. Quod si recipitur, nulla causa est, cur non licet totam Scripturam negare. Amesius hanc ἀξίωσιν more suo enervat truncando, omittens omnia, quæ de Beza corruptela dicuntur. Ne tamen manus dare videatur tam apterae veritati, ait 1. « In consecratione vel panis, vel vini, cum illud consecratur, *Hoc* demonstratur, ne-cessario concedendum est, panem, aut vinum per illud *Hoc* demonstrari ». Resp. : Hoc falsum esse patet partim ex dictis, partim ex mox dicendis. 2. Ait: « Lucas non repugnat Mattheo, et Marco: apud quos non calix, sed sanguis dicitur pro no-bis effundi ». Resp. : Sic est: Sed neque